



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

caput IX.

urn:nbn:de:hbz:466:1-29452

impedierit, hoc Sacramentum accipiant. Sic enim in Concilio Aurelianensi statutum est, vt non nisi ieiunantes, confessi, ac adultæ ætatis homines, de illo participarent: sed vereor ne prælatorum neglectus, qui tantum nescio quam externam pompam curant, huic Sacramento magnum in mundo contemptum pepererit: quæritur enim tantum ornatus aliquis, & lucrum nummorum: nihil aut perparum monent vel informant populum de virtute & efficacia Confirmationis, sed similes videntur illis quæ mensam splendide adornant scutellis & cyathis, sed omni cibo & potu vacuis: nec illos vrget, quod hæretici hoc Sacramentum planè contemnunt, quin & ipsi hac contemptui reddant. Corriganur igitur abusus, & saluantur omnia, &c.

CAPVT IX.

ARGVMENTA.

1. *Quid sit ordo Ecclesiasticus.*
2. *Quid conferatur ijs, qui suscipiunt sacros ordines.*
3. *Quis debeat ordinare ministros Ecclesie.*



Rdo est vocatio ad ministerium docendi Euangelium, & administrandi Sacramenta, sicut ait Apostolus 1. Cor. 4. Sic nos existimet homo, vt ministros Christi & dispensatores ministeriorum Dei: ab his autem maximè exigitur, vt fideles dispensatores inueniantur. & 1. Timoth. 5. Si quis episcopatum desiderat, id est, huiusmodi officium regiminis, docendi, administrandi Sacramenta & verbum Dei populo ad gloriam Dei & salutem proximi, hic bonum opus desiderat: nihil hic de externa prælatura loquitur Apostolus, sed potius de ipso officio. Actorum primo. Eritis mihi testes &cæt. Porrò hoc Sacramentum

2. Tim. 4.

mentum Ordinis habet mādatum Dei, Matt. vltimū.
Euntes docete & baptizate omnes gentes & cæt. ha-
bet quoque promissiones Dei Ioan. 15. Ego vos elegi
vt eatis & fructum afferatis, & fructus vester maneat
icem Apost. ad Tim. Bonum certamē certavi, cursum
consummaui, fidē seruauī, ideò reposita est mihi co-
rona iustitiæ. & Iac. 5. Qui conuerti fecerit peccata
ab errore suo & c. propter hoc officium Ordo Ecclē-
siasticus rectē dicitur Sacramentum, & magnum ha-
bet præmiū accidentale, eò quòd quis si uctum mi-
cesimum, alius centesimum fecerit & cæt. Marc. qua-
to, & hīc talentum suum non absconderit, sed adha-
alia quinque Incratus est, Matth. 25. & quòd differt
stella à stella in claritate, 1. Corinthiorum 15. Si ergo
nos tantum simus fideles cooperatores & serui Do-
minici agri, ipse copiosam dabit mercedem.

2. Secundo, in ordinatione per impositionem ma-
num presbyterij datur ac confertur specialis potest-
as ad defungendum ministerium uerbi Dei, admi-
nistrandiq; Sacramenta populo: Quæ potestas alia
est ab illa, quæ in Baptismo accepta est: Nam iam ba-
ptizatis Apostolis, cōfertur ipsis in super hæc specia-
lis potestas, Luc. 22. conficiēdi Sacramentū corporis
& sanguinis Christi, eundi & prædicandi Euange-
lium, Marc. 16. Baptizandi, Matth. 28. Absoluēdi,
Ioan. 20. Orandi & vngendi infirmos, & cæt. Iacob. 5.
Sic Paulus Timotheo iam baptizato imponit manus
& dat specialem potestatem obeundi munus sacer-
dotij, quòd utique non fecisset, si iam in Baptismo
accepisset illam potestatem: Non ergò baptizatus er-
gò quò omnes uocat & habilitat in ministros Ecclesiæ,
sed gratia diuina quæ nobis cōfertur in legitima ordi-
natione. Hoc enim manifestè docet Apostolus,
nempe singularem dari potestatem Ordinato, cum
inquit, 1. Tim. 4. Noli negligere donum, id est, potestatem

statem illam specialem, quæ data est tibi per prophe-
 tiam, id est, orationem & consecrationem, cum im-
 positione manuum mearum, autoritate presbyte-
 rij: ecce, inquit, autoritate sacerdotij, nõ inquit, po-
 puli vel manuum communionis laicæ, sed autori-
 tate sacerdotij. Vndè illa ordinatio, quæ fit ab Epi-
 scopo vt principali ministro, vel à cæterorum sacer-
 dotum manu impositione, illa vera & legitima est.
 Singulare ergò donum atq; potestas, quia datur in
 ordinatione ab Episcopo autoritate sacerdotij, igitur
 qui illam nõ habent, nihil efficiunt, nec Deus ap-
 probat ipsorum ministeriũ. Sic 2. ad Tim. 1. Commo-
 nefacio te, vt suscites donũ quod in te est per imposi-
 tionẽ manuum mearũ: ecce donũ quod in te est, aper-
 tẽ loquitur de illo dono Spiritus sancti cum potestate
 speciali in ordinatione &c. In baptismo quidẽ omnis
 Christianus consecratur, vt seipsum regat tanquã
 rex, & erigat sensus, & vitã instituat secũdũ Deum
 & iustitiam: non autem quilibet vngitur & consecra-
 tur in baptismo, tanquã rector ac curator populi:
 consecratur quidẽ Christianus in baptismo sacerdos
 sibi ipsi vt sanctẽ viuat, orando, ieiunando, & offeren-
 do corpus suũ in hostiã viuẽtem & sanctã &c. Rom.
 12. non autẽ consecratur in ministrũ & sacerdotẽ po-
 puli Christi, vt alijs præsit, doceat, instituat: hic enim
 specialis vocatio exigitur. Quod autẽ dicitur, 1. Pet. 2.
 Vos estis genus electum, regale sacerdotiũ, gens san-
 cta &c de speciali sacerdotio, & nõ de communi Ec-
 clesia intelligitur: nam hæc verba omnibus Iudæis
 fuerunt dicta, vt patet in Exod. 19. tamen manifestum
 est quod solus Aaron cum filijs suis, erant sacerdo-
 tes & ministri templi Dei, Exod. 29. Insuper Aaroni
 fuit dictum, quod perpetua religione esset sacerdos,
 Exod. 29. & Christus noster caput & summus sacer-
 dos in æternum secũdũ ordinem Melchisedech.
 Psalmo 109. Donum autem hoc, siue potestas
 collata

collata in legitima ordinatiōe, manet donec mori-
tur minister : nec probari aut excusari potest ex scri-
ptura, semel cōsecratum sacerdotem denuò fieri lai-
cum, etiamsi non habet executionem officij : & ca-
nones deponunt quidem atque suspendunt ab offi-
cio criminosos sacerdotes, sed manet tamen chara-
cter, id est, donum semel acceptum indelebile, ut te-
nent SS. Patres.

3. Tertiò, quoniam Christus ipse instituit Apostolos
seu vocatos suos sacerdotes, & dedit officium Mat. &
Mar. vlt. non hanc voluit auctoritatem esse populi,
Christus summus sacerdos instituit Apostolos, id est,
legatos, Apostoli instituerunt Episcopos in Creta,
Epheso, &c. & illis mādârunt, ut & ipsi eadem aucto-
ritate constituerent oppidatim presbyteros &c. nun-
quàm verò legitur, hîc plebis cōsensum aut electio-
nem fuisse requisitam : sic Paulus & Barnabas ordi-
nabant Sacerdotes citra populi consensum, Acto. 14.
Vndè manifestè conuincitur, electionem & ordina-
tionē clericalem non ad plebem, sed ad Episcopos &
presbyteros successores Apostolorum spectare & spe-
ctâsse semper. Populus quidem olim consensum da-
bat ad approbandam electionem, sed auctoritatē re-
ijciendi nullam habuit. Quare quicumq; à laicis su-
perintendētibus sunt ordinati, spurij sunt & illegiti-
mi corâ Deo. Est enim plerūq; proprium hæretico-
rum, sibi eligere & ordinare Magistros, de sua senten-
tia, qui seruiant auribus ipsorum, & placencia dicant.
Sed quia hoc futurum ante nouissimum diem Scri-
ptura testatur, debemus eiusmodi cauere Matth. 24.
Venient Pseudoprophetæ, &c. 2. Tim. 4. Veniet tem-
pus &c. & Ieremias 14. Currebāt, & non misi eos, &c.
sic vindicabant sibi sacerdotium Chore, Dathan &
Abiron, sed puniti sunt grauissimè, Num. 16. Sic im-
pius Ieroboã elegit sibi sacerdotes de nouissimis vi-
rorum, & contempsit veros & legitimos sacerdotes

ex Aaron
volebat a
titur, a. P
Et sicut
ci sibi con
regem, si
ita & elec
non est e
deat ut n
se est, do
fret Sacr

1. Qu
min
2. Qu
tum
3. Vir
son
cat

disertis v
ne omni
& dixit: I
inquit :
gnam, si
inquit ef
stolus 1.
et

ex Aaronis successione ordinatos, 3. Reg. 14. & rex qui volebat adolere incensum in domo Dei, lepra percussus, 2. Paral. 28. filij Sceuæ lacerantur Act. 19. &c. Et sicut sine potestate & efficacia est, quando hæretici sibi constituunt sacerdotes, eligunt ac præficiunt regem, sicut fecerunt Anabaptistæ Monasterienses, ira & electio sacerdotij extra formam Ecclesiæ Dei, non est efficax. Qui igitur vult sacerdotem agere, videat ut non solum sacrificet, sed etiam quantum in se est, doceat, instituat, exemplo suo pascat, administret Sacramenta, & errantes conuertat, &c.

CAPVT X.

ARGVMENTA.

1. *Quid dicatur esse Sacramentum Cœnæ Domini.*
2. *Quamobrem potissimum à Christo sit institutum.*
3. *Vtrum fides huius Sacramenti, id est, passionis Christi, an esus ac potus remittat peccata.*

HOC Sacramentum est verus sanguis & caro Christi, sicuti iam post ascensionem suam in cœlis ad dexteram Dei patris sedens habet, sub specie panis & vini. Hoc patet & firmissimè creditur ex disertis verbis Christi, quando in vltima sua cœna sine omni parabola sic locutus est, tenens manu panem, & dixit: Hoc est corpus meum, & ostendens calicem, inquit: Hic est sanguis meus: non dixit, Hoc est sanguis, figura, aut significat corpus meum &c. Sed inquit essentialiter quòd est corpus suum. Sic Apostolus 1. Corinthiorum vñdecimo vocat corpus Domini

CC mini